



LEABHRÁN EOLAIS

Cuireann an tSeirbhís um Cheapacháin Phoiblí (publicjobs.ie) fáilte roimh
iarratais ar

DHEISEANNA DO CHÉIMITHE 2021
OIFIGEACH RIARACHÁIN (BAILE ÁTHA CLIATH)

Ginearálta (aon disciplín acadúil)
Acmhainní Daonna
Gnó/Airgeadas
Anailísí Beartais Sláinte

CID: 21249904

Dáta Dúnta: Déardaoin 7 Deireadh Fómhair 2021 ag 3i.n.

Reáchtálfaidh an tSeirbhís um Cheapacháin Phoiblí an feachtas earcaíochta seo de réir na gCód
Cleachtais do Phoist sa Státseirbhís agus sa tSeirbhís Phoiblí a d'ullmhaigh an Coimisiún um
Cheapacháin Seirbhíse Poiblí (CCSP) ar fáil ar www.cpsa.ie

Táimid tiomanta do bheartas comhdheiseanna.

TEAGMHÁIL LEIS

AN TSEIRBHÍS UM CHEAPACHÁIN PHOIBLÍ, ÁRAS NA CAIBIDLE
26 – 30 SRÁID NA MAINISTREACH UACHTARACH, BAILE ÁTHA CLIATH 1

URL: www.publicjobs.ie
Ríomhphost: graduate@publicjobs.ie

RÉAMHRÁ

Tá an Státseirbhís ag croílár shoचाई na hÉireann. Bíonn tionchar ag gach ní a dhéanaimid ar ár dtír agus, níos tábhachtaí fós, ar mhuintir na tíre. Is institiúid láidir agus iontaofa muid, atá ag freastal ar mhuintir na hÉireann ó bunaíodh an Stát. Le déanaí, tá ról tábhachtach á ghlacadh ag an Státseirbhís maidir le tacú le freagairt an Rialtais ar riachtanais an náisiúin le linn na paindéime. Cé go bhfuil na dúshláin atá roimh an Státseirbhís inniu difriúil ó na dúshláin a bhí ann nuair a bunaíodh an Stát, tá ár bpríomhluachanna mar an gcéanna.

Is eagraíocht mhór agus chasta í Státseirbhís na hÉireann, ina bhfuil beagnach 42,000 duine fostaithe i c. 40 Roinn agus Oifig Rialtais, a bhfuil freagrachtaí éagsúla acu chun tacú leis an Rialtas trí roghanna beartais agus reachtaíocht a fhorbairt chun dul i ngleic le ceisteanna móra náisiúnta, chun an tseirbhís phoiblí i gcoitinne a chomhordú, chun cabhrú leis an ngeilleagar a bhainistiú agus chun seirbhísí a sholáthar don phobal.

Tá [Clár Athnuachana na Státseirbhíse](#) ina straitéis uailmhianach 10 mbliana don Státseirbhís. Cuirfeadh an Straitéis i bhfeidhm trí shraith de phleananna gnímh 3 bliana ina leagfar amach na spriocanna agus na tionscnaimh áirithe a úsáidfear chun gach ceann dár dtosaíochtaí straitéiseacha a chur chun cinn chun Státseirbhís ionchuimsitheach, ardfheidhmíochta, atá tiomanta, solúbtha, ina bhfuil éagsúlacht le brath agus atá réidh chun dul i ngleic leis na dúshláin atá ann cheana féin agus na dúshláin a thiochfaidh chun cinn amach anseo.

Nuair a chuireann an Státseirbhís na pleananna seo i gcrích agus nuair a léiríonn sí go bhfuil sí tiomanta do chaighdeáin na seirbhíse poiblí, is féidir léi eagraíocht ina bhfuil éagsúlacht le brath inti ach atá comhaontaithe, níos gairmiúla, níos freagrúla, níos oscailte agus níos cuntasáí a chruthú, a chothaíonn muinín in Éirinn agus go hidirnáisiúnta.

Cuireann an Státseirbhís gairm an-sásúil agus éagsúil ar fáil d'iarrthóirí oiriúnacha, ina bhfuil téarmaí agus coinníollacha iomaíocha.

Is í an tSeirbhís um Cheapacháin Phoiblí (SCP) an comhlacht lárnach earcaíochta don tSeirbhís Phoiblí agus don Státseirbhís agus is í a reachtáilfaidh an próiseas roghnaithe don chomórtas seo.

Bunóidh an tSCP painéal de dhaoine a bhfuil na cáilíochtaí cuí acu chun folúntais a líonadh a d'fhéadfadh tarlú sa Státseirbhís. **Tabhair faoi deara go bhfuil poist do Shibhialtaigh sa Gharda Síochána.**

AN RÓL

Is é grád an Oifigigh Riaracháin (OR) an príomhghrád earcaíochta do chéimithe sa Státseirbhís agus tugann sé deis d'iarrthóirí a n-éiríonn leo dul chun cinn a dhéanamh chuig leibhéal na meánbhainistíochta. Mar Oifigeach Riaracháin bheadh ról ríthabachtach agat i bhfoirmiú polasaithe agus straitéise a bhaineann le ceisteanna eacnamaíochta, airgeadais, idirnáisiúnta, timpeallachta agus sóisialta. Beidh an deis agat chomh maith tuiscint dhomhain a fháil ar fhorbairt agus ar chur i bhfeidhm beartais rialtais le himeacht ama.

Agus cúrsaí gnó, eacnamaíochta agus sóisialta ag éirí níos casta agus níos deacra, tá gá níos mó le réimse scileanna sa bhreis a chur ar fáil i Ranna agus in Oifigí. Tá an tSeirbhís um Cheapacháin Phoiblí ag lorg daoine a bhfuil an cumas acu freagracht ardleibhéil a ghlacadh i mbainistíocht na seirbhísí poiblí agus anailís a dhéanamh ar cheisteanna beartais phoiblí agus a bhfuil cáilíochtaí, scileanna agus inniúlachtaí ar leith acu sna réimsí seo a leanas:

1. Ginearálta (aon disciplín acadúil)
2. Acmhainní Daonna
3. Gnó/Airgeadas

4. Anailísí Beartais Sláinte

Chun iarratas a dhéanamh, ní mór duit cáilíocht ag Leibhéal 8 ar Chreat Náisiúnta na gCáilíochtaí (Bunchéim Onóracha Bhaitsiléara den chéad nó den dara grád), ar a laghad, a bheith agat. Ní mór d'iarratasóirí do na sraitheanna speisialtachta (2, 3 & 4) a shainiú agus tuas cáilíocht Leibhéal 8 (Bunchéim Onóracha Bhaitsiléara den chéad nó den dara grád), ar a laghad, sa réimse ar leith a bhfuil siad ag déanamh iarratais air a bheith acu. Is féidir go dtabharfar aird ar cháilíochtaí cuí atá ar aon chéim leis sin, dar leis an tSeirbhís um Cheapacháin Phoiblí. Ní mór d'iarrthóirí ar phoist mar OR ardoideachas a bheith acu chomh maith leis na tréithe seo a leanas a léiriú:

- sárscileanna cumarsáide (labhartha agus scríofa), cuir i láthair agus idirphearsanta;
- an cumas taighde agus anailís a dhéanamh agus fadhbanna a réiteach;
- taithí ar obair éifeachtach foirne agus spriocamanna diana i gceist;
- an cumas oibriú i réimse ildisciplíneach agus cumas ceannaireachta a léiriú;
- an cumas nuálaíocht a léiriú agus iad ag obair gan mórán maoirseachta
- taithí ar a bheith ag obair ar thionscadail agus ar thorthaí a bhaint amach laistigh de bhuiséad/spriocamanna diana;

Táthar ag súil leis go gcuirfidh na hOR nua go mór le hobair na Státseirbhíse ón tús. Cé gur "ar an láthair" a bheidh cuid mhór den oiliúint, cuirfear cúrsaí ionductaithe agus oiliúna i scileanna ar leith ar fáil chun cuidiú leat a bheith ar an eolas faoin earnáil phoiblí. Tabharfaidh na daoine a cheapfar faoin gClár Forbartha do Chéimithe, a chuirfidh le do thaithí chun do shaineolas, do mhúinín, d'fhéinfheasacht agus d'éifeachtacht phearsanta a fhorbairt chun a chinntiú go mbeidh tú in ann barr do chumais a bhaint amach agus torthaí tábhachtacha a sholáthar go luath i do ghairm. Tuigtear go dtiocfaidh na deiseanna seo do chéimithe chun cinn i réimse Ranna.

Tá próiseas dian measúnaithe i gceist don phost mar Oifigeach Riaracháin agus is féidir go dtógfaidh sé roinnt ama. Déanann an tSeirbhís um Cheapacháin Phoiblí iarracht, áfach, an próiseas a bheith chomh cuíchóirithe agus is féidir agus cuirfidh iarrthóirí ar an eolas de réir mar a théann siad tríd an bpróiseas roghnaithe.

Tá mionsonraí maidir leis na hinniúlachtaí ar chóir do gach OR a bheith acu leagtha amach in Aguisín 1. Chomh maith leis sin tá tuilleadh eolais faoi na riachtanais ar leith do gach sraith leagtha amach sa leabhrán eolais seo.

Ní mór don iarrthóir a chinntiú go bhfuil na riachtanais cháilitheachta do na poist a bhfuil siad ag déanamh iarratais orthu acu. Ní mór d'iarrthóirí a dheimhniú ag staid an iarratais go bhfuil na cáilíochtaí riachtanacha acu. Ní hionann iarratasóir a ligean isteach ar chomórtas agus a rá go bhfuil siad cáilithe dul san iomaíocht sa chomórtas.

[Tuilleadh eolais faoinbhfheachtasearcaíochtado chéimithe](#)

Iarrthóirí don tSraith Ghaeilge

Tá an Státseirbhís tiomanta go hiomlán dá dualgais faoi Acht na dTeangacha Oifigiúla a chomhlíonadh. Tá sé beartaithe folúntais a tharlaíonn ina bhfuil sé riachtanach réimse iomlán seirbhísí a sholáthar trí Ghaeilge (Dátheangach Feidhmiúil) a líonadh ón gcomórtas seo. Chuige sin, is féidir le daoine a bhfuil Gaeilge líofa acu agus a chomhlíonann na critéir cháilitheachta ar fad thíos a spéis a shonrú ar an bhfoirm iarratais.

Beidh ar iarrthóirí a n-éiríonn leo ag staid na measúnuithe ar líne, agus a chuireann a suim in iúl ar an bhfoirm iarratais, tabhairt faoi mheasúnú ar a scileanna Gaeilge. Beidh ar gach iarrthóir an caighdeán cáilitheachta a bhaint amach i ngach gné de na céimeanna roghnaithe, lena n-áirítear measúnuithe Gaeilge sa bhreis, ionas go gcuirfear san áireamh iad don tsraith Ghaeilge. Ní mór

dóibh an caighdeán ceart a bhaint amach sa Ghaeilge .i. Leibhéal B2 ar Europass self-assessment framework.

Maidir leis an tsraith Ghaeilge, beidh sé riachtanach a bheith i láthair do mheasúnú/agallamh ar leith trí Ghaeilge.

ACHOIMRE AR CHOINNÍOLLACHA SEIRBHÍSE

Tuarastal Tosaigh: €33,053

Saoire Bhliantúil: 25 Lá

Uaireanta freastail: 43 huairé an chloig agus 15 nóiméad sa tseachtain san iomlán

Príomhchoinníollacha Seirbhíse: Chun féachaint ar na Príomhchoinníollacha Seirbhíse uilig [CLICEÁIL ANSEO](#)

Próiseas Roghnaithe: Dátaí Tábhachtacha

Dáta Dúnta	3:00i.n. ar an Déardaoin 7 Deireadh Fómhair, 2021
Ní mór d'iarrthóirí faoi mhíchumas tuairiscí a chur ar aghaidh roimh an	Déardaoin 14 Deireadh Fómhair, 2021
Céim 1 - Tástáil ar líne	Go déanach i mí Dheireadh Fómhair
Céim 2 - Agallaimh Físe ar Líne	Lár mhí na Samhna
Céim 3 - Ionad Measúnaithe	Go luath i mí na Nollag

Riachtanais Iontrála/Cháilitheachta

Tabhair faoi deara gur féidir nach gcinnteofar cáilíochtaí/cáilitheacht go dtí an chéim dheireanach sa phróiseas, mar sin i gcás iarrthóirí nach bhfuil na riachtanais iomlána acu agus a théann ar aghaidh lena n-iarratas, tabhair faoi deara go bhfuil siad ag cur costas gan ghá orthu féin agus ní thairgfear an post dóibh san fheachtas seo.

Bí ar an eolas, le do thoil, nach féidir leis an tSeirbhís um Cheapacháin Phoiblí comhairle a thabhairt faoi cháilíochtaí/cháilitheacht an duine mura gcuirtear iad faoi mheas mar gheall ar líon na n-iarratas. Ní mór don iarrthóir a chinntiú go bhfuil na riachtanais cháilitheachta a luaitear thuas acu. Tá sé de cheart ag an tSeirbhís um Cheapacháin Phoiblí a shocrú ag staid ar bith nach bhfuil iarrthóir i dteideal má cheapann siad nach bhfuil an cháilitheacht/cáilíochtaí riachtanacha acu m.sh. ón bhfoirm iarratais a cuireadh isteach. Beidh ar iarrthóirí atá á gcur faoi mheas tar éis staid dheiridh an roghnaithe fianaise i ndoiciméid a thabhairt faoina gcáilitheacht, cáilíochtaí san áireamh.

Is féidir go dtógfar amach as an gcomórtas am ar bith aon iarrthóir nach bhfuil in ann a thaispeáint go bhfuil na cáilíochtaí riachtanacha acu. Ní hionann cuireadh chuig scrúdú, cuireadh chun agallaimh nó chuig aon ghné den phróiseas roghnaithe agus a rá go bhfuil tú incháilithe.

- [CLICEÁIL ANSEO](#) chun tuilleadh eolais a fháil maidir le Cáilitheacht chun dul san Iomaíocht agus faoi Shrianta Áirithe maidir le Cáilitheacht

Oifigeach Riaracháin (Ginearálta - aon disciplín acadúil)

Le tuilleadh eolais a fháil faoin ról agus faoi cháilitheacht [CLICEÁIL ANSEO](#)

Oifigeach Riaracháin (Acmhainní Daonna)

Le tuilleadh eolais a fháil faoin ról agus faoi cháilitheacht [CLICEÁIL ANSEO](#)

Oifigeach Riaracháin (Gnó agus Airgeadas)

Le tuilleadh eolais a fháil faoin ról agus faoi cháilitheacht [CLICEÁIL ANSEO](#)

Oifigeach Riaracháin (Anailísí Beartais Sláinte)

Le tuilleadh eolais a fháil faoin ról agus faoi cháilitheacht [CLICEÁIL ANSEO](#)

Le cloí le treoirínte is déanaí an Rialtais maidir leis an tsábháilteacht phoiblí, tá sé i gceist go mbeidh difríochtaí idir na modhanna measúnaithe an chomórtais seo agus na modhanna measúnaithe as ar baineadh úsáid i gcomórtais roimhe seo mar gheall ar Covid-19. Mar sin, moltar do gach iarrthóir scrúdú cúramach a dhéanamh ar aon chomhfheagras nó ar aon ábhar eolais a fhaigheann siad roimh thús gach céime.

An Próiseas Iarratais agus Roghnaithe

Gnéithe Praiticiúla

- Is féidir iarratas a chur isteach ar d'fhón póca nó ar líne trí www.publicjobs.ie.
- Sula ndéantar iarratas, ní mór d'iarrthóirí "Cuntas Úsáideora" a bheith acu ar www.publicjobs.ie. Mura bhfuil sé déanta agat cheana, ní mór duit cliceáil ar 'Logáil Isteach' ar leathanach baile publicjobs agus clárú mar '**Úsáideoir Nua**' chun do phróifíl a chruthú (cláraigh Cuntas Nua).
- Mura gcuimhníonn tú sonraí do phróifíle, ná cruthaigh an dara próifíl, d'fhéadfadh seo d'iarratas a chur ar ceal.
- Bí ar d'aire nach ionann clárú (Próifíl a chruthú) agus iarratas a chur isteach. Nuair atá Próifíl cruthaithe agat, ní mór duit an fhoirm iarratais a fháil, a choimhlíonadh agus a chur isteach.

Ceisteanna maidir le hAinm Úsáideora / Pasfhocal

Má tá dearmad déanta agat ar d'Ainm Úsáideora nó ar do Phasfhocal cliceáil ar an nasc seo:

<https://www.publicjobs.ie/candidateportal/home/forgottenDetail.do>

Conas teagmháil a dhéanamh leis an tSeirbhís um Cheapacháin Phoiblí

Má tá deacracht agat fós le d'Ainm Úsáideora nó le do Phasfhocal, cuir ríomhphost chuig graduate@publicjobs.ie ag míniú do dheacrachtaí agus tabhair d'ainm agus do shonraí teagmhála, uimhir theileafóin san áireamh, chun gur féidir teagmháil a dhéanamh leat.

Ba chóir d'iarrthóirí a bheith ar an eolas go mbeidh tacaíocht ar fáil le linn uaireanta oifige amháin go dtí an dáta dúnta.

- Ní mór d'iarrthóirí a seoladh ríomhphost bailí **féin** a úsáid. **Ní ghlacfar** le seoltaí ríomhphost ó thríú páirtithe agus is féidir go gcuirfidh siad d'iarratas ar ceal. Ní thabharfaidh an tSeirbhís um Cheapacháin Phoiblí eolas faoi iarratais ach don iarrthóir amháin agus ní thabharfaidh siad eolas do thríú páirtí ar bith.
- Tá sé tábhachtach go gcoinníonn tú d'ainm úsáideora agus do phasfhocal mar go mbeidh siad ag teastáil uait chun teacht ar do Bhord Teachtaireachtaí.
- Moltar go láidir duit gan an seoladh ríomhphost nó uimhir an teileafóin póca a athrú le linn an fheachtais earcaíochta seo, mar go gcuirfear aon ríomhphost/teachtairacht téacs chuig an seoladh ríomhphost/uimhir theileafóin a tugadh ar dtús.
- Is ar líne a dhéanfar teagmháil le hiarrthóirí le linn an phróisis iarratais den chuid is mó. Seolfaidh an tSeirbhís um Cheapacháin Phoiblí an chuid is mó den chumarsáid chugat trí do Chlár Teachtaireachtaí publicjobs. Moltar duit féachaint ar do Chlár Teachtaireachtaí go rialta mar is féidir go n-aistreofaí fógraí ríomhphost faoi shonraí nua/ tástálacha a chuirtear chuig Clár na dTeachtairachtaí chuig do chomhad ríomhphost do Dhramhaíl/Thurscar (nó 'Promotions' i gcás gmail). Moltar duit freisin féachaint ar na comhaid seo ar fad go minic.
- Ní bheidh an tSeirbhís um Cheapacháin Phoiblí freagrach as cumarsáid nár oscail nó nach bhfuair an t-iarrthóir. Ní mór dóibh a chinntiú go bhféachann siad go rialta ar a gClár Teachtaireachtaí agus go bhfaigheann siad gach cumarsáid a chuireann an tSeirbhís um Cheapacháin Phoiblí chucu.
- Má thugtar cuireadh dóibh chuig tástálacha agus/nó agallamh, is faoin iarrthóir féin atá sé a bheith ar fáil ar an dáta(i) a shonraíonn an tSeirbhís um Cheapacháin Phoiblí. Mura bhfuil tú i láthair ar an dáta/ag an am cuí, glacfar leis gur tharraing tú siar as an gcomórtas.

Bí ar an eolas go bhfuil comórtas dhifriúla eile á reáchtáil ag an am céanna leis an gcomórtas d'OR agus an fhoirm iarratais chéanna á húsáid. Má tá tú ag déanamh iarratais ar aon cheann de na poist seo, bí cinnte go gcomhlíonann tú na riachtanais cháilitheachta agus ná cuir ach foirm iarratais amháin isteach a léiríonn an tsraith/na sraitheanna a bhfuil suim agat inti/iontu. Is faoin iarrthóir féin an tsraith cheart a roghnú. Beidh ar iarrthóirí a bhaineann an caighdeán cáilitheachta amach sa tástáil ar líne agus a gcuirtear faoi mheas iad do staideanna den phróiseas roghnaithe ina dhiaidh sin foirm iarratais ina ndéantar cur síos ar a chúlra oideachais agus oibre a chur isteach.

Conas Iarratas a Dhéanamh

Cliceáil ar an gcnaipe 'Déan Iarratas Anois' chun an fhoirm iarratais a fháil. Tá an cnaipe seo le fáil ag deireadh an leathnaigh ar a bhfógraítear poist d'Oifigeach Riaracháin www.publicjobs.ie. Ní mór duit a chinntiú go bhfuil d'ainm iarrthóra, do UA agus an tsraith/na sraitheanna a roghnaigh tú i gceart sula gcuireann tú an t-iarratas isteach.

Chomh luath agus a chuireann tú d'fhoirm iarratais isteach moltar duit filleadh ar do chuntas publicjobs agus a chinntiú go bhfuil sé curtha isteach trí **'M'Iarratais'**. Ba chóir duit féachaint arís ar an bhfoirm a chuir tú isteach agus a chinntiú go bhfuil sé comhlíonta go hiomlán agus go cruinn. Ag an staid seo ba chóir duit publicjobs.ie a chur le do liosta de dhaoine nó de theagmhálaithe sábháilte i do chuntas ríomhphoist chun nach gcuirfear cosc ar ríomhphoist ó publicjobs.ie.

Ní ghlacfar ach le hiarratais atá comhlíonta go hiomlán agus a chuirtear isteach i gceart san fheachtas. Má ligtear do dhuine iarratas a dhéanamh ar an bhfeachtas seo, nó má thugtar cuireadh chucu tabhairt faoi ghné ar bith den phróiseas roghnaithe, ní hionann sin agus a rá go nglacann an tSeirbhís um Cheapacháin Phoiblí nó aon fhoras eile leis go gcomhlíonann an duine sin na riachtanais ar fad.

Ní féidir le duine ach iarratas amháin a dhéanamh.

Iarrthóirí faoi Míchumas

Iarrtar ar iarrthóirí a shonraíonn ina n-iarratas nó ina bpróifíl gur mhaith leo leas a bhaint as socrúithe réasúnta tuairisc leighis nó tuairisc ó shíceolaí a chur isteach. Is é is cúis leis an tuairisc eolas a thabhairt don tSCP ionas gur féidir cóiríocht réasúnta a chur ar fáil más cuí.

Ba chóir na tuairiscí seo a chur chuig an aonad Seirbhísí Measúnaithe, An tSeirbhís um Cheapacháin Phoiblí, Áras na Caibidle, 26-30 Sráid na Mainistreach Uachtarach, Baile Átha Cliath 1 roimh am dúnta gnó ar an **Déardaoin 14 Deireadh Fómhair 2020**. Ní mór duit **cóip scanta den tuairisc a sheoladh chuig asu@publicjobs.ie** trí mheán an ríomhphoist.

Má rinne tú iarratas ar chomórtas cheana leis an tSeirbhís um Cheapacháin Phoiblí agus má chuir tú tuairisc isteach, seol ríomhphost chuig asu@publicjobs.ie chun a dheimhniú go bhfuil do thuairisc fós faoi taifead.

Más mian leat plé a dhéanamh ar d'iarrthóireacht agus ar chóiríocht réasúnta ar féidir léi cabhrú leat le linn an phróisis earcaíochta, téigh i dteagmháil lenár dTacadóir Míchumais, Amanda Kavanagh, ar [Leathanach maidir leis an Inrochtaineacht](#). Le tuilleadh eolais a fháil ar inrochtaineacht ár seirbhíse, féach ar ár [Leathanach maidir leis an Inrochtaineacht](#)

Dáta Dúnta

Is é an dáta deireanach ar a nglacfar le hiarratais chomhlánaithe ná **3.00i.n. ar an Déardaoin 7 Deireadh Fómhair 2021**.

Ní ghlacfar le hiarratais tar éis an dáta dúnta. Mura bhfaigheann tú admháil faoi d'iarratas taobh istigh de dhá lá oibre ó lá d'iarratais, cliceáil ar d'fhillteán do Dhramháil/Thurscar' mar gur féidir fógraí i ríomhphost a dhíriú isteach i bhfillteáin do Dhramháil/ Thurscar (nó 'Promotions' i gcás Gmail). Sa chás nach bhfuair tú an admháil fós, seol ríomhphost chuig graduate@publicjobs.ie agus cuir isteach d'ainm, UA iarrthóra agus sonraí teagmhála. Ba chóir d'iarrthóirí a bheith ar an eolas go mbeidh tacaíocht ar fáil le linn uaireanta oifige go dtí an dáta dúnta.

Próiseas Roghnaithe

Beidh roinnt gnéithe i gceist sa phróiseas roghnaithe don chomórtas seo. Is féidir go mbeidh ceann amháin nó níos mó díobh seo a leanas i gceist:

- Ceistneoir Measúnaithe ar líne a chomhlíonadh;
- Triail(acha) ar líne agus/nó triail(acha) ar páipéar;
- Gearrliostú;
- Agallamh físe ar líne;
- Trialacha teanga (labhartha agus/nó scríofa) m.sh. i gcás iarratasóirí ar phoist mar Oibrí Dhátheangach Feidhmiúil don tsraith Ghaeilge;
- Agalla(i)mh Iomaíoch;
- Cur i láthair/Anailís a dhéanamh;
- Triail shamplach oibre nó cleachtadh eile a cheaptar atá riachtanach.

Ní mór d'iarrthóirí dul san iomaíocht agus an t-ionad is airde a bhaint amach chun go gcuirfí iad faoi mheas le dul ar aghaidh chuig an gcéad staid eile den phróiseas roghnaithe ina bhfuil staideanna éagsúla. Socróidh an tSeirbhís um Cheapacháin Phoiblí ó am go ham an líon daoine a gheobhaidh cuireadh ag gach staid.

Is cuma cén sraitheanna comórtais ar leith a gcuireann tú isteach orthu, ní féidir leat na staideanna éagsúla den phróiseas roghnaithe a dhéanamh, an t-agallamh san áireamh, ach uair amháin. Maidir leis an tsraith dóibh siúd a bhfuil Líofacht acu sa Ghaeilge, beidh sé riachtanach scrúdú béil/measúnú Gaeilge a dhéanamh.

Gearrliostú

Go hiondúil is mó i bhfad líon na n-iarratas a fhaightear ná líon na bpost a bhíonn ann, idir na folúntais reatha agus folúntais amach anseo. In ainneoin go gcomhlíonann tú riachtanais cháilitheachta an chomórtais, féadfaidh an tSeirbhís um Cheapacháin Phoiblí cinneadh ar líon teoranta de na hiarrthóirí a chur faoi agallamh má bhíonn an oiread sin iarrthóirí ann a d'fhágfadh nach mbeadh sé indéanta gach duine a chur faoi agallamh. Sa chás seo, cuireann an tSeirbhís um Cheapacháin Phoiblí próiseas gearrliostaithe i bhfeidhm chun líon iarrthóirí, a bhfuil an dealramh orthu gurb iad is oiriúnaí don phost tar éis na foirmeacha iarratais a iniúchadh, a roghnú le dul faoi agallamh. Níltear ag tabhairt le fios go bhfuil iarrthóirí eile mí-oiriúnach, nó nach bhfuil siad in ann tabhairt faoin bpost, ach go bhfuil iarrthóirí áirithe atá níos cáilithe agus/nó a bhfuil níos mó taithí iomchuí acu.

Tugann bo(i)rd measúnaithe treoir don tSeirbhís um Cheapacháin Phoiblí le linn cibé próisis ghearrliostaithe faoina dtabharfaí, Bo(i)rd a iniúchann na foirmeacha iarratais agus a dhéanann iad a mheas de réir critéar réamhcheaptha atá bunaithe ar riachtanais an phoist. Is ar mhaithe leat féin, dá réir, go dtabharfaí mionchuntas cruinn ort féin, idir thaithí agus cháilíochtaí, ar an bhfoirm iarratais.

Staid 1: Measúnú ar Líne

Chun cabhrú le hiarrthóirí a bheith ar fáil agus maidir lena gcúinsí áirithe féin, déanfar an chéad staid den phróiseas roghnaithe ar líne agus beidh sé riachtanach freastal ar thriail / agallamh níos moille. Is féidir leat na trialacha a dhéanamh i do rogha ionad in áit ina bhfuil fón póca nó ríomhaire ar fáil agus ceangal idirlín maith.

Ba chóir duit a bheith ar an eolas agus tú ag déanamh na dtrialacha seo ar ghréasáin TF slán, m.sh. gréasán i d'áit oibre nó i gcoláiste, ar ar féidir go bhfuil balla dóiteáin nó teicneolaíocht chosanta eile i bhfeidhm, go mb'fhéidir go mbeadh deacrachtaí teicniúla agat. Ba chóir duit smaoineamh ar do

thrialacha a dhéanamh in áit eile nach bhfuil na srianta céanna ar an idirlíon inti. **Is fútsa atá sé a chinntiú go bhfuil rochtain iomlán agat ar an an idirlíon chun na trialacha a chomhlíonadh.** Ba chóir duit a chinntiú gur féidir leat na trialacha a chomhlíonadh in áit chiúin inar féidir leat díriú ar an obair agus gan aon rud ag cur isteach ort le linn na dtrialacha. Moltar duit an measúnú a dhéanamh ar ghléas a bhfuil taithí agat air.

Tá sé tábhachtach seoladh ríomhphoist ar féidir leat teacht air i gcónaí a thabhairt. Tabharfar tréimhse ama ar leith d'iarrthóirí chun an measúnú a chomhlíonadh. Cuirfear na(i)sc chuig an tástáil ar líne trí ríomhphost chuig Bord Teachtaireachtaí na n-iarratasóirí ar publicjobs.ie roimh an am atá ar fáil don tástáil. I gcás iarrthóirí nach gcomhlíonann na trialacha ar líne uilig roimh an dáta deiridh, glacfar leis nach bhfuil suim níos mó acu sa chomórtas agus ní thabharfar tuilleadh airde dá n-iarratais.

Dírítear d'aire ar Aguisín 2 '*Eolas Tábhachtach*'. Má thugtar cuireadh d'iarrthóir dul ar aghaidh leis an bpróiseas iarratais, is féidir go mbeidh orthu trialacha a dhéanamh faoi mhaoirseacht.

Tabharfar eolas faoi gach staid roghnaithe d'iarrthóirí a fhaigheann cuireadh chuig an staid áirithe sin den phróiseas ag an am ceart. Níl aon fheidhm nó aon bhaint ag an tSCP le agus ní mholann sí aon chúrsa ullmhúcháin a sholáthraítear a bhaineann leis an bpróiseas roghnaithe.

Staid 2: Agallamh Físe ar líne

Tabharfaidh iarrthóirí atá ag cur isteach ar na sraitheanna speisialtacha d'Acmhainní Daonna agus/nó Gnó/Airgeadas agus/nó Sláinte faoi agallamh físe aisioncronach ar líne i ndiaidh staid na measúnuithe ar líne. Is féidir le hiarrthóirí a n-agallamh a thaifeadadh ina rogha ionad, in áit ina bhfuil ríomhaire ar fáil, ceamara gréasáin agus ceangal idirlín maith.

An Chéad Chéim Eile

Má chuirfear faoi mheas chun dul ar aghaidh chuig na céimeanna eile den phróiseas roghnaithe thú, cuirfear eolas chugat ag an am cuí.

Nóta tábhachtach do státseirbhísigh reatha

Ní mór do státseirbhísigh reatha a chuireann isteach ar an gcomórtas seo agus n-éiríonn leo an t-eolas seo a leanas a thabhairt faoi deara: má ghlacann siad le tairiscint ar cheapachán mar Oifigeach Riaracháin ó phainéal a bhunófar faoi gcomórtas seo, **ní bheidh siad cáilithe** dul san iomaíocht i, nó ceapacháin a fháil ó chomórtas inmheánach nó idir-rannach státseirbhíse **do ghrád an Ardoifigh Feidhmiúcháin nó do ghrád ar aon chéim leis seo.**

Nós imeachta nuair a lorgaíonn iarrthóir athbhreithniú ar Chinneadh a rinneadh i dtaca lena n-iarratas

Is féidir le hiarrthóirí athbhreithniú a lorg má tá siad míshásta le cinneadh nó gníomh a rinne an tSeirbhís um Cheapacháin Phoiblí (SCP). Déanfaidh an tSeirbhís um Cheapacháin Phoiblí iarratais ar athbhreithniú a mheas de réir fhorálacha **Ailt 7** na gCód Cleachtais do *Cheapacháin i bPoist sa Státseirbhís agus sa tSeirbhís Phoiblí* a fhoilsíonn an Coimisiún um Cheapacháin Seirbhíse Poiblí (an Coimisiún). Nuair a dhéantar iarratas ar athbhreithniú, ní mór don iarrthóir na fíricí a thaispeánann, dar leo, go raibh an gníomh nó cinneadh a rinneadh mícheart a chur i láthair. Is féidir go ndiúltófar iarratas ar athbhreithniú murar féidir leis an iarrthóir fíricí a chur i láthair maidir lena gcás.

Molann an Coimisiún sa chás go gceapann an duine sa phost (Príomhoifigeach Feidhmiúcháin na Seirbhíse um Cheapacháin Phoiblí sa chás seo) gur féidir an cheist a réiteach gur chóir tabhairt faoi ar bhonn neamhfhoirmiúil, sula dtugtar faoi trí athbhreithniú foirmiúil, má aontaíonn an t-iarrthóir.

Nós imeachta d'Athbhreithniú Neamhfhoirmiúil

- Ní mór iarratas ar Athbhreithniú Neamhfhoirmiúil a dhéanamh taobh istigh de 5 lá oibre ó fuarthas toradh an chinnidh, agus de ghnáth ba chóir go dtarlódh sé idir an t-iarrthóir agus ionadaí de chuid na Seirbhíse um Cheapacháin Phoiblí a raibh baint mhór acu leis an bpróiseas roghnaithe.
- Sa chás go mbaineann an cinneadh le staid eatramhach den phróiseas roghnaithe, caithefear an t-iarratas ar athbhreithniú neamhfhoirmiúil a fháil laistigh de 2 lá oibre ón dáta a bhfuarthas an cinneadh.
- Sa chás go bhfuil an t-iarrthóir míshásta fós tar éis díospóireacht neamhfhoirmiúil a bheith acu, is féidir leo tabhairt faoi na nósanna imeachta thíos.
- Más mian leis an iarrthóir go bpléifí leis an gceist trí athbhreithniú foirmiúil, ní mór don iarrthóir é sin a dhéanamh laistigh de 2 lá oibre ón dáta ar fógraíodh an t-athbhreithniú neamhfhoirmiúil.

Nós imeachta d'Athbhreithniú Foirmiúil den Phróiseas Roghnaithe

- Ní mór don iarrthóir a g(h)eará(i)n maidir leis an bpróiseas a chur i scríbhinn chuig an bPríomhfheidhmeannach ag léiriú na bhfíricí a thaispeánann go raibh gníomh nó cinneadh mícheart.
- Ní mór gearán nó iarratas ar athbhreithniú a dhéanamh laistigh de 10 lá oibre tar éis fhógra an chéad chinnidh. Sa chás go mbaineann an cinneadh le céim eatramhach den phróiseas earcaíochta, ní mór an t-iarratas a fháil laistigh de 4 lá oibre.
- Ní féidir síneadh ar na teorainneacha ama seo a cheadú ach amháin i gcás imthosca atá neamhchoitianta ar fad agus is é an Príomhfheidhmeannach amháin a dhéanfaidh an cinneadh, mar is toil leis.
- Ní foláir an toradh a chur in iúl don iarrthóir laistigh de 25 lá oibre tar éis an gearán nó an t-iarratas ar athbhreithniú a fháil.

Próiseas Gearáin

Is féidir go gceapfadh iarrthóir gur sháraigh an tSeirbhís um Cheapacháin Phoiblí Cód Cleachtais an Choimisiúin a d'fhéadfadh cur as d'ionracas an chinnidh a rinneadh sa phróiseas ceapacháin. Tríd an bpróiseas gearáin is féidir le hiarrthóir (nó duine a d'fhéadfadh a bheith ina iarrthóir) gearán a dhéanamh faoi **Alt 8** chuig Príomhoifigeach Feidhmiúcháin na Seirbhíse um Cheapacháin Phoiblí, ar dtús, agus chuig an gCoimisiún um Cheapacháin Seirbhíse Poiblí ina dhiaidh sin ar achomharc sa chás go bhfuil siad míshásta fós.

- Ba chóir líomhaintí faoi shárú na gCód Cleachtais a chur i scríbhinn agus gan mhoill chuig an bPríomhoifigeach Feidhmiúcháin ar dtús. Ní mór don ghearánaí na fíricí siad a léiríonn, dar leo, go raibh an próiseas mícheart a chur i láthair. Ní mór don ghearánaí an ghné den Chód a sáraíodh, dar leo, a shainnint agus aon doiciméad ábhartha a chabhródh lena líomhaint a chur leis. Is féidir go gcaithfear amach gearán ar bith murar féidir leis an ngearánaí tacaíocht a thabhairt dá líomhaintí trí thaispeáint conas nár chomhlíon an tSeirbhís um Cheapacháin Phoiblí prionsabail an Chóid seo.
- Nuair a fhaigheann an tSeirbhís um Cheapacháin Phoiblí gearán is féidir go ndéanfaidh siad socrú déileáil leis an ngearánaí ar bhonn neamhfhoirmiúil.

Tá tuilleadh eolais faoin nós imeachta thuas ar fáil sa Chód Cleachtais do *Ceapacháin i bPoist sa Státseirbhís agus sa tSeirbhís Phoiblí* atá ar fáil ar shuíomh gréasáin an Choimisiúin um Cheapacháin Seirbhíse Poiblí www.cpsa.ie

Níl aon dualgas ar an tSeirbhís um Cheapacháin Phoiblí an próiseas ceapacháin a stad a fhad is atá siad ag plé le hathbhreithniú. Bí ar an eolas i gcás gur tharla athbhreithniú foirmiúil de phróiseas earcaíochta agus roghnaithe faoi Alt 7 den Chód Cleachtais, ní féidir leis an ngearánaí athbhreithniú eile a lorg faoi Alt 8 seachas i gcásanna fóireisceachtúla ar fad a shocródh an Coimisiún ar a thoil.

Iarratais ar Aiseolas/Thrialacha a Athsheiceáil

Tá aiseolas maidir leis an bpróiseas roghnaithe ar fáil má lorgaítear é i scríbhinn. Is féidir aiseolas agus athscrúdú a lorg go dtí sé mhí tar éis chríochnú gach staid den chomórtas.

Tabhair faoi deara, áfach, gur próiseas eagsúil é an Próiseas Athbhreithnithe mar atá leagtha amach sa Chód Cleachtais agus go bhfuil tréimhse ama ar leith ar gá cloí leis i gceist. Níl sé riachtanach aiseolas/athscrúdú a fháil chun athbhreithniú a lorg. Ní gá d'iarrthóir cás mionsonraithe a chur le chéile sula gcuirtear tús le hachomharc. Ní féidir an tréimhse ama atá leagtha amach i gCód an CCSP a shíneadh ar chúis ar bith, lena n-áirítear aiseolas agus/nó torthaí athscrúduithe.

Cód Cleachtais a Shárú

Aon duine a sháróidh na forálacha thuas, nó a chuideoidh le duine éigin eile na forálacha thuas a shárú, tá an duine sin ciontach i gcion. Is féidir fíneáil agus/nó príosúnacht, a chur ar dhuine atá ciontach i gcion.

Ina theannta sin, i gcás gur iarrthóir i bpróiseas earcaíochta a bhí nó atá sa duine a fuarthas ciontach i gcion,

- dícháileofar iad mar iarrthóir agus tógfar amach as an gcomórtas iad;
- má ceapadh iad i bpost tar éis an phróisis roghnaithe, cuirfear as an bpost iad.

Eolas Ginearálta

Le heolas ginearálta a fháil faoin gcomórtas [CLICEÁIL ANSEO](#)

Aguisín 1

[CLICEÁIL ANSEO](#) Chun féachaint ar na hInniúlachtaí d'Oifigigh Riaracháin.

Aquisín II

EOLAS TÁBHACHTACH Téarmaí agus Coinníollacha

Dírítear d'aird ar an eolas tábhachtach seo a leanas. Má lorgaíonn tú nó má dhéanann tú iarracht ábhar measúnaithe / trialach a lorg, aontaíonn tú go nglacann tú leis na téarmaí atá leagtha amach.

1. Tá gach triail agus ábhar trialach faoi réir ag cóipcheart agus tá cosaint ar gach ceart. Ní féidir aon chuid de na trialacha /na hábhair mheasúnaithe (aon téacs san áireamh agus/nó roghanna a d'fhéadfadh a bheith ann do fhreagraí) nó ábhar bainteach (lena n-áirítear ábhar cleachtaidh agus/nó eolais) a atáirgeadh nó a chraoladh i bhfoirm ar bith nó trí mhodh ar bith, lena n-áirítear modh leictreonach nó meicniúil, fótachóipeáil, priontáil, taifeadadh, scríofa nó eile, ag staid ar bith. Is coir é seo a dhéanamh agus is féidir go bhfágfaí as an bpróiseas roghnaithe thú dá bharr. Má bhriseann duine ar bith an fhoráil seo, cé acu an t-iarrthóir nó duine eile iad, nó a chuidíonn le duine(daoine) eile an fhoráil seo a bhriseadh, is féidir go gcuirfí an dlí agus/nó agra sibhialta ar an duine sin as cailteanas cóipchirt nó maoinne intleachtúla.
2. Dírítear d'aird ar Chód Cleachtais an Choimisiúin um Cheapacháin Seirbhíse Poiblí do Cheapacháin i bPoist sa Státseirbhís agus sa tSeirbhís Phoiblí. Féach go háirithe ar an nóta i gCuid 5 – Dualgais na nIarrthóirí (féach thíos).

Canbhasáil

Ní foláir d'iarrthóirí a thuiscint go ndéanfar duine a dhícháiliú de thoradh canbhasála agus go ndéanfar iad a eisiáimh ón bpróiseas dá dheasca.

Dualgais na nIarrthóirí:

Níl cead ag iarrthóirí sa phróiseas earcaíochta:

- Eolas bréagach a thabhairt go feasach nó go meargánta
- Duine ar bith a chanbhasáil, le haslú nó gan aslú
- Cur isteach ar an bpróiseas ar aon bhealach nó cur as dó.

Níl cead ag tríú páirtí iarrthóir a phearsanú ag aon staid den phróiseas.

Beidh pionóis i gceist sa chás nach gcloítear leis na forálacha seo.

Duine ar bith a sháraíonn na forálacha thuas, nó a chabhraíonn le duine éigin eile na forálacha thuas a shárú, tá siad ciontach i gcion. D'fhéadfaí fíneáil nó príosúnacht, nó iad araon, a chur ar dhuine atá ciontach i gcion.

I gcás gur iarrthóir i bpróiseas earcaíochta a bhí nó atá sa duine a fuarthas ciontach i gcion:

- Sa chás nach bhfuil an duine ceaptha i bpost, dícháileofar iad mar iarrthóir; agus
- Sa chás gur ceapadh iad de thoradh an phróisis earcaíochta atá i gceist, forghéillfidh siad an ceapachán sin.

3. Má ligtear do dhuine iarratas a dhéanamh ar an bhfeachtas seo, nó má thugtar cuireadh do dhuine páirt a ghlacadh in aon ghné den phróiseas earcaíochta, ní hionann sin agus a rá go nglacann an tSeirbhís um Cheapacháin Phoiblí leis go gcomhlíonann an duine sin na riachtanais ar fad.